

四庫全書

集部

欽定四庫全書

集部

王荊公詩注卷

三十九至  
四十一

詳校官庶吉士<sub>臣</sub>龍廷槐

檢討<sub>臣</sub>何思鈞覆勘

總校官進士<sub>臣</sub>繆琪

校對官檢討<sub>臣</sub>盧應

謄錄監生<sub>臣</sub>趙立福

謄錄監生<sub>臣</sub>魏廷勳

欽定四庫全書

王荊公詩注卷三十九

宋李壁撰

律詩

蒙城清燕堂

九域圖志蒙城隸亳州在州南百六十里

清燕新詩得自蒙行吟如到此堂中吏無田甲當時氣

民有莊周後世風

韓安國坐法抵罪蒙師古曰蒙梁國之縣也獄吏田甲辱安國安國曰死

灰獨不復然乎曰然即溺之居無幾漢使使者拜安國為梁內史起徙中二千石田甲亡安國曰甲不就國我

滅而宗甲肉袒謝安國笑曰公等足與治乎○莊子蒙  
人名周周嘗為蒙漆園吏與梁惠王齊宣王同時其言  
洗洋自恣  
庭下早知開木索坐間遙想御絲桐飄然一  
以適已

往何時得俛仰塵沙欲作翁

杜牧華清詩北扉開木索  
南面富循良○呂氏春秋

曰安子賤治單父彈琴身不下堂而治騶忌  
曰若夫治國而弭人民又何用乎絲桐之間

### 次韻吳彥珍見寄二首

君作新詩故起予一吟聊復報雙魚杖藜高徑誰來往

散帙空堂自卷舒

古詩客從遠方來贈我雙鯉魚○杜  
詩相與成二老來往亦風流○謝靈

運酬從弟詩散帙問所  
知○韓詩簡編可卷舒

樹外鳥啼催晚種花間人語趁

朝墟春風處處堪攜手何事臨池苦學書

杜詩布穀處  
處催春種○

柳詩綠荷包飯趁墟人○張芝臨池學草書水  
盡黑○彥珍時為撫州教授學有右軍墨池

## 其二

篁竹荒茅五畝餘生涯山蕨與泉魚

荒茅篁竹見重遊  
草堂次韻注○退

之詩採薇于  
山繆魚于泉

家貧殖貨羞端木鄉里傳書比仲舒

家貧  
或是

家資不然則里字恐誤先進篇賜不受命而貨殖焉言  
不如安貧而樂道也○仲舒下帷講誦弟子傳以久次  
相授業傳

書或指此

白日憶君聊望遠青林嗟我似逃虛春風渺

渺烏塘尾謾得東來一紙書

莊子逃虛空者聞足音而  
喜○李義山詩嵩雲秦樹

久離居雙鯉

迢迢一紙書

### 自金陵至丹陽道中有感

數百年來王氣消難將往事問漁樵

溫庭筠過吳景帝陵詩王氣消來水

莊苑方秦地皆蕪沒山借揚州更寂寥荒埭暗雞催月

曉空場老雉挾春驕豪華只有諸陵在往往黃金出市

朝

李白詩苑方秦地少山比洛陽多○劉長卿詩金陵已蕪沒○建康圖經雞鳴埭在青溪西南潮溝上過

溝有埭名雞鳴齊武帝早遊鍾山射雉至此雞始鳴○義山詩春場鋪艾帳下馬雉媒驕○褚炫從宋明帝射

雉帝至日中無所得甚猜羞召問侍臣曰吾旦來如臯遂空行可笑坐者莫答炫獨曰今節候雖適而雲霧尚

凝故斯輦之禽驕心未驚但得神駕猶豫羣情便可載  
惟帝意解乃於雉場置酒○藝苑雌黃云予與鄉人翁  
行可同舟沂汴因談及詩行可云介父善下字如空場  
老雉挾春驕下得挾字最好挾即孟子挾貴挾長之挾  
子謂介父又有紫莧凌風怯蒼苔挾雨驕後山有寒氣  
挾霜侵敗絮賓鴻將子度微明其用挾字亦與前一聯  
同末聯言陵墓遭發  
金玉出於人間矣

### 初去臨川

一作馬頭西去百霄襟一望親庭更  
苦心已覺省煩非仲叔安能養志似

曾參憂傷遇事紛紛出疾病乘虛蠱蠱侵手  
把詩篇卧空屋欲歌商頌不成音○撫州金  
峯有公題字云皇祐庚寅自臨川如錢塘過  
宿此嘉祐戊辰自番陽歸臨川再宿金峯詩  
云十年再宿金峯下身世飄然豈自知山谷  
有靈應笑我紛紛南北欲何為此詩非庚寅

歲作即戊辰年  
也集中無此詩

東浮溪水渡長林上坂回頭一拊心已覺省煩非仲叔

安能養志似曾參

後漢閔貢字仲叔太原人世稱節士雖周黨之潔清自以弗及也黨見其

食菽飲水遺以生蒜受而不食黨與仲叔同郡亦貞士也見逸民傳皇甫謐高士傳曰黨見仲叔食無菜遺之生蒜仲叔曰我欲省煩耳今更作煩邪受而不食○孟子若曾子則可謂養志也事親若曾子者可也○據此詩公母夫人尚留臨

憂傷遇事紛紛出疾病乘虛疊疊

川故有養志之句

侵未有半分求自贖恐填溝壑更霑襟

謝安弱冠詣王濛濛子修曰向

客何如大人濛曰此客塵壺為來逼人○汲黯傳臣自以填溝壑不復見陛下不意陛下復收之詩言未有以



報君親之恩恐  
先朝露而悲耳

### 讀史

自古功名亦苦辛行藏終欲付何人

功名雖出於邂逅然彈慮竭精而為

之者多矣公自言欲效古之何人

當時黥黥猶承誤末俗紛紜更亂真

韓集蓋覆黥黥不以其情白露左右

糟粕所傳非粹美丹青難寫是精神

區區豈盡高賢意獨守千秋紙上塵

莊子外篇十四輪扁告齊桓公古之

人與其不可傳者死矣然則君之所讀者古之糟粕耳  
○顧凱之傳每畫人或數年不點目睛曰四體妍蚩本無關於妙處傳神寫照正在阿堵中○劉歆責太常云猶欲得殘守缺挾恐見破之私意而無從善服義之心

○唐人詩向來奇特幾  
張紙千古風流一害塵

讀詔書

去秋東出汴河梁已見中州旱勢強日射地穿千里赤

風吹沙度滿城黃

慶歷七年八月錢彥遠奏前歲地震雄  
霸滄登旁及荆湖幅員千里今復大旱

人心嗷嗷此詩言去秋正彥遠輩論奏時可見旱勢之  
盛○穿地者盛言日色之熾朝野僉載春甲子雨赤地  
千里○杜詩明朝在  
沃野苦見沙塵黃  
近聞急詔收羣策頗說新年又亢

陽賤術縱工難自獻心憂天下獨君王

慶歷七年三月  
詔曰自冬訖春

早暵未已五種不入農失作業朕惟憂變之來應不虛  
發殆不敏不明以干上帝之怒咎自朕致民實何事與

其降疾於人不若移灾於朕自今中外臣僚其指當世切務實封條上上每命學士草詔未嘗有所增損至是楊察當筆以為未盡罪已之意令更為此詔○據降詔在三月則此時當在春時作也故云新年又亢陽按國史言是時方閔雨賈昌朝引漢灾異策免三公故事上表乞罷與參政吳育皆去位宰臣陳執中等並降秩然仁宗聖德旋禱太一宮雨即降正却蓋不御時事也○公慶歷二年登第皇祐三年召試館職固辭此詩猶在未作鄆縣前○韓詩致君宜無術自獻良獨難○杜恕奏疏魏明乞與羣臣議論政事使人得自盡今每有軍事詔書常曰誰憂此者耶吾當自憂耳

每見王太丞事甚冗而剗劇之暇猶能過訪

山館兼出佳篇為贈仰嘆才力因成小詩

我看繁訟頻搔首君富才明見亦常尚有閒襟尋水石

更留佳句似池塘

池塘生春草  
謝靈運句

松苗地合分高下鳬鶴

天教有短長徐上青雲猶未晚可無音問及滄浪

選詩鬱鬱  
潤底松離

離山上苗○莊子駢拇篇鳬脰雖短續之則憂鴈脰雖  
長斷之則悲故性長非所斷性短非所續無所去憂也  
○漁父歌曰滄浪之水清兮可以濯我足  
我纓滄浪之水濁兮可以濯我足

王浮梁太丞之聽訟軒有水禽三巢于竹林之

上恬而自得邑人作詩以美之因次元韻

九域

志浮梁縣

屬饒州

水邊舟動多驚散何事林間近絕疑

言水邊為舟所驚至此近人而馴詩

不言水禽直叙其事格致甚新

野意肯從賢令至舊巢猶有主人知

自公

注云見王太丞詩東坡手記野老言鳥雀去人太遠則其子有蛇鼠狐狸鴟鵂之患人既不殺則自近人者欲以免此害也由此觀之異時鳥雀巢不敢近人者以人為甚於蛇鼠之類也不關飲啄春江

暖自在飛鳴夏日遲覽德豈無丹穴鳳到時應讓向南

枝莊子野雉五步一鳴十步一啄○賈誼傳鳳凰翔于千仞兮覽德輝而下之山海經丹穴之山有鳥曰鳳

### 寄虞氏兄弟

一身兼抱百憂虞忽忽如狂久廢書疇昔心期俱喪勇

此來腰疾更乘虛

智勇俱喪項羽咄嗟叱咤千人俱廢

久聞陽羨安家好

自度淵明與世疎亦有未歸溝壑日會應相近置田廬

公詩又有久聞陽羨溪山好頗與淵明性分宜之句

### 除夜寄舍弟

一樽聊有天涯憶百感翻然醉裏眠酒醒燈前猶是客

夢回江北已經年佳時流落真堪惜

一作何得

勝事蹉跎只

可怜惟有到家寒食在春風同泛潁溪船

方干詩紅燈短燼方燒臘

畫角殘聲又報春明日便為經歲客昨朝猶是少年人觀公此作則覺干語為繁矣

荅熊本推官金陵寄酒

鬱金香是蘭陵酒，枉入詩人賦詠來。

李白詩：蘭陵美酒鬱金香，玉碗盛來

琥珀光

庭下北風吹急雪，坐間南客送寒醅。淵明未得歸。

三徑，叔夜猶同把一杯。吟罷想君醒醉處，鍾山相向白。

崔嵬

此詩必作於在朝之日，因得金陵酒而懷舊居。

和錢學士喜雪

手把詩翁憶雪詩，坐愁窮海瘴煙霏。

退之詩：出入高下窮煙霏。

誰令

天上蒼茫合

蒼茫謂雲也。

忽作

一作見

空中散漫飛。閭闔與風

生氣勢嫦娥交月借光輝

許慎說文閭闔天門也又春秋考異郵曰四十五日閭闔

風至閭闔者咸收養也注秋分之候也四十五日廣莫風至廣莫者精大滿也注冬至之候也山鴉瑟

縮相依立邑犬跳梁未肯歸

韓詩喙雪寒鴉赴始飛瑟縮凍貌也○柳宗元荅韋

中立書僕來南二年冬幸大雪數州之犬皆倉黃吠噬狂走者累日至無雪乃已

點綴丘園榮

樹木埋藏溝塹亂封圻

畢命申畫郊圻慎固封守

高歌業已傳都市

逸興何當叩隱扉

高歌借用陽春白雪歌及子猷訪戴事見別注

頗欲携尊邀

使騎幾忘溫席薦親聞

唐王元實掃雪迎賓為宴樂之會○晉西河人王延事親色養

夏則扇枕冬則以身溫被

公今早晚班春去強勸澇田補歲饑

據說文勞



有平去兩聲又云水名出扶風郿縣北入渭今公所指  
必謂旱澇之勞魏志鄭渾遷沛郡太守郡界下濕惠水  
澇百姓饑乏渾興陂竭開稻田人皆以為不便渾曰地勢  
污下宜灌溉終須為稻之利遂躬率吏民興立比年大  
收民賴其利

### 送江寧彭給事赴闕

彭思永自右諫議大夫知瀛州以病請便郡徙知江

寧府召為御史中丞論斥濩議最力公時在江寧作此詩送之

西江望士衆長兼卓犖傳家在一男

思永本京兆人其先徙廬陵故云西

江望士

壯志異時開史牒妙齡終日對書龕桂堂發策收

科選櫻苑頌詩預宴酣

晉郗詵傳武帝於東堂問詵云云猶桂林之一枝崑山之片玉

○仁宗賜進士詩仙籍乍標崑玉貴宴杯猶及苑櫻期  
○拾遺錄漢明帝於月夜宴賜羣臣櫻桃盛以赤瑛盤  
羣臣視之月下以為空盤又唐書文宗即位因內園進  
櫻桃以奉三宮太后又景龍文館記上與侍臣於樹下  
摘櫻桃恣其食末後大陳宴席  
奏宮樂至暝人賜朱櫻兩籠  
大邑援琴聊試可小州

懷綬果才堪

援琴宓子賤事○書試可乃已○彭嘗為南海分寧二邑又守潮州常州皆有政績

懷綬字借用

朱買臣事

分臺拜職榮先入抗疏辭恩恥橫覃

思永自常

州召入為侍御史皇祐中將祀明堂有傳教  
語百官皆遷官思永上疏力止濫恩故云  
勁操比松

寒不撓忠言如藥苦非甘龍鱗直為當官觸虎穴寧關

射利探

張良傳且忠言逆耳利於行毒藥苦口利於病  
○龍鱗見次韻鄧子儀注○吳呂蒙年十五六

竊隨姊夫鄧當擊賊當大驚呵叱不能止歸告蒙母母欲罰之蒙曰貧賤那可居脫誤有功富貴可致且不入虎穴安得虎子

朱穀獸頭終協夢粉聞雞舌更須含

揚雄解嘲

子徒欲朱丹其轂○晉鄧攸父殷為淮南太守夢行水邊見一女子猛獸自其後斷其輦帶囊占者以為水邊有女汝字也斷輦帶者新獸頭代故獸頭也不作汝陰當作汝南也果遷汝陰太守○通典尚書省中以胡粉圖畫古賢烈士○漢制尚書郎含雞舌香奏事思永罷御史以司封外郎知宣州故有獸頭雞舌之句

均

輸北轉荆門鷓鴣勸課西臨蜀市蠶

思永自宣擢湖北轉運使故云荆門鷓鴣思

永任益州路轉運使成都關守領守事故云勸課西臨蜀市蠶蜀之先有蠶叢市又高辛時蜀有蠶女

期

信有兒迎郭伋食貧無地乞羊曇

郭伋再為并州牧行部到西河美稷有兒

童數百各騎竹馬道左迎拜問何日當還役令從事  
計日告之既還先期一日役為違信於諸兒遂止於野  
亭須期乃入○謝安恭負以墅乞羊曇此言公索垂鈴  
清貧無地可乞人也乞當作乞音氣與人物也

棧駝鳴圖節擁棠郊虎視耽

退之征蜀聯句椎肥牛呼  
牟載實駝鳴圖音乙轄反

廣韻十五轄有圖字注駝鳴也○易  
頭卦虎視耽耽其欲逐逐注虎下視貌

歸見廣墀瞻斧

藻對揚初服改朱藍

文選江淹雜體詩序譬猶藍朱成  
采錯雜之變無窮斧藻謂天子之

服東坡雪詩如誇剪  
刻工故上朱藍袂

進班華省財方阜出按窮邊虜稍

戲帝命賈琮當冀北民歌姬爽次周南

自益州入為兵  
部郎中三司戶

部副使故云財方阜旋擢天章閣待制陝西都轉運使  
故云按窮邊○靈帝時詔書沙汰二千石更選清能吏

乃以賈琮為冀州刺史命御者褰赤帷裳百城震悚公  
自陝起漕改知瀛州故云當冀北召公姬姓名爽周南  
詩什名次周南  
者指召南也  
投壺饗客魚無乙伐鼓蒐兵馬有驪  
祭

傳遵為將軍取士皆用儒術對酒設樂必雅歌投壺○  
禮記內則魚去乙注乙魚體中害人者名也東海鰭魚  
有骨名乙在目傍狀如篆乙食之鯁人不可出爾雅曰  
魚枕謂之丁魚腸謂之乙魚尾謂之丙注云此皆似篆  
書字因以名焉韋莊宣慮其烹魚去乙或致傷鱗傳言  
公仕既顯自奉不改其常○詩有駟有駟有驪有驪有魚

鱗鬣掀紅旗杳杳虬髯吒黑纛鬚鬚

崔豹古今注曰鯨  
海魚也大者長數

千里小者數千尺鼓浪成雷漬沫成雨水族驚畏之皆  
逃匿莫敢當其雌曰鮑大者亦長千里眼睛為明月珠  
鬣魚脊上鱗嶺表錄異曰海鰭魚即海上最偉者也其  
小者亦千餘尺每歲廣州常發舸船過南安貿易路經

海心深闊處忽見十餘山忽出忽沒篙工曰非山島海  
鱸魚背也目閃鱗鬣若簸朱旗日中忽雨霰霰舟子曰  
此鱸魚噴氣水散於空風勢吹來若雨耳漸近魚即鼓  
船而譟倏爾而沒金樓子曰鯨鯢一名海鱸穴居海底  
鯨入穴則水溢為潮鯨既出入有節故潮  
水有期○白詩槍森赤豹尾鱗吒黑龍髯 威加諸部風

霜肅惠浸連營雨露涵大斗時時能劇飲輕裘往往祗

清談乾龍已應天飛五晉馬徐觀畫接三道在君臣方

自合德倖卿長更誰慙

輕裘見賦擬峴臺注○乾龍謂英廟初御極也○晉康便用錫

馬蕃庶晝日三接謂彭自江寧入覲○卿長陳寔事

便蕃肯較平生寵放曠惟知

雅性妯娒佩去辭廷殖殖揚舲來得府潭潭一尊客路

從容盡千里人情委曲諳豈但搢紳稱召杜故多扶杖

祝彭聃

殖殖其廷殖殖言平正也○前漢召信臣遷南陽太守吏民親愛號曰召父又後漢杜詩守南

陽政治清平時人方於信臣故南陽為之語曰前有召父後有杜母○言思永所至有惠愛民比之召杜而祝

其長年使

幕中俊又閑刀筆帳下驍雄冷劍鐔楚地恠

須留汲黯蕭規疑欲付曹參

俊又思永幕客也閑刀筆亦幕府省文書之義○帳

下驍雄言部曲也三國將兵將軍有帳下督○劍鐔劍口也莊子說劍天子之劍以晉魏為脊周宋為鐔注音

淫又徒南反謂劍鐔也○汲黯傳會更立五銖錢民多盜鑄錢者楚地尤甚上以淮陽楚地之郊召黯為淮陽

太守○揚子雲解嘲蕭規曹隨

從來貴勢公何慕自是賢名上所貪未

信逸身今以老且當憂國每如快論心邂逅膠投漆搔

首低回雪滿簪

周武帝嘗令楊素草詔下筆立成帝嘉之曰善自勉勿憂不富貴素應聲曰但

恐富貴來逼臣臣無心圖富貴公何慕政用此意○詩憂心如快膠投漆以喻其固雪滿簪言髮白如雪鎮

撫未驚移歲月追攀曾許賞煙嵐餘歡遽隔新亭餞宿

惠難忘舊館驂卷曲尚誰知散櫟崢嶸空此詠枯楠

王導

傳有燕新亭事但改燕為餞為是送彭也○禮記孔子之衛遇舊館人之喪入而哭之哀出使子貢說驂而賻之○櫟散是不材之木也其大本擁腫而不中繩墨其小枝卷曲而不中規矩無所可用○杜詩梗楠枯崢嶸

鄉黨皆不記又云空餘

棟梁具無復霄漢志





欽定四庫全書

卷三十九

王荊公詩注卷三十九

欽定四庫全書

王荊公詩注卷四十

宋 李壁 撰

律詩

聊行

聊行弄芳草獨坐隱團蒲問客茅簷日君家有此無

列子

楊朱篇宋國田夫東作曝日顧謂其妻曰負日之暄人莫知者以獻吾君將有重賞○歐公文涼竹簟之暑風

曝茅簷之暖日

染雲

染雲為柳葉剪水作梨花不是春風巧何緣有歲華

陸暢

雪詩仙人寧底  
巧剪水作花飛

溝港

溝港重重柳山坡處處梅小興穿麥過狹徑礙桑回

李白

詩碧草已滿地與柳梅爭春唐人多以梅柳對言公詩  
舉此殆不止一聯也小興狹徑曲盡農圃閑適之趣

霹靂溝

建康志霹靂溝  
在城西五里

霹靂溝西路柴荆四五家憶曾騎款段隨意入桃花

建康

續志云蔣山寶公塔西北有宋興寺基基之左有桃花塢花甚盛今不復存○杜詩隨意數花鬢

### 午睡

簷日陰陰轉牀風細細吹  
條然殘午夢何許一黃鸝

蘇子

美詩樹陰滿地日卓  
午夢覺流鶯時一聲

### 題齊安驛

日淨山如染風暄草欲薰  
梅殘數點雪麥漲一川雲

杜詩

暄風暖景明日○許渾廣中詩未臘梅先實終冬草  
自薰○別賦閨中風暖陌上草薰○曹松詩林殘數枝月  
髮冷一梳風  
公句法類此

昭文齋

公自注云米芾題  
余定林所居園作

我自山中客何緣有此名當緣琴不鼓人見有虧成

將山

有定林菴公嘗讀書於此米元章榜曰昭文齋李伯時  
畫公真於壁楊次公為之贊○莊子齊物論有成與虧  
故昭氏之鼓琴也無成與虧故昭氏之不鼓琴也齊名亦取公嘗為首相之意

臺上示吳愿

細書妨老讀長簞愜昏眠取簞且一息拋書還少年

後漢

循吏傳細書成文○唐人詩大書文字隄防老之句○韓詩抵暮但昏眠

示道原

久不在城市少留心悵然幽芳可攬結佇子飲雲泉

攬結

字見招約之職方注○唐人詩別有野麋人不識一生長飲白雲泉

### 傳神自讚

此物非他物今吾即故吾今吾如可狀此物若為摹

莊子

田子方篇彼已盡矣而汝求之以為有是求焉於唐肆也吾服汝也甚忘汝服吾也亦甚忘雖然汝奚患焉雖忘乎故吾吾有不忘者存注不忘者存謂繼之以日新也雖忘故吾而新吾已至未始非吾吾何患焉故能離俗絕塵而與物無不冥也

### 題何氏宅園亭

荷葉參差卷榴花次第開但令心有賞歲月任渠催

杜牧

詩舊事參差夢新程  
迤邐秋亦此句法

### 草堂一山主

一公持一鉢想復度遙岑地瘦無黃獨

一作  
續

春來草更

深

傳燈錄曾將一鉢度婆婆又僧那禪師唯一衣一鉢  
一坐一食奉頭陀行○黃獨黃精也○少陵詩黃獨

無苗山

雪盛

### 題黃司理園

為憶去年梅凌寒特地來閨前空臘盡渾未有花開

元微



之詩馬上同携今日杯  
湖邊新折去年梅  
○杜詩梅蕊臘前破  
梅花年後多

### 游亭

西崦水泠泠  
公岡有游亭  
自從春草長  
遙見抵青青  
游亭

見古詩注○韓詩  
草色遙看近却無

### 題永昭陵

神闕淡朝暉  
蒼蒼露未晞  
龍車不可望  
投老涕沾衣  
公

永昭陵齋文云歲陰逝矣陵闕超然○永昭陵即仁宗  
陵旦表有云想龍駕於空衢莫知所稅瞻鳥耘於新墾  
但有至懷  
亦公作也

詠穀

可憐臺上穀轉目已陰繁不鮮詩人意何為樂彼園

鳴鵲

詩樂彼之園爰有樹檀其下維穀注惡木也

池上看金沙花數枝過酴醾架盛開

故作酴醾架金沙祇漫栽似矜顏色好飛度雪前開

高齋

詩話公薦進一二寒士位侍從初無意於大用公去位後遂參政柄因作此詩寄意○雪謂酴醾劉長卿詩自矜嬌艷色不顧丹青人

五柳

五柳柴桑宅三楊白下亭往來無一事長得見青青

五柳

淵明事三楊見次韻酬龔深甫注○白傳詩遙憶青青江岸上不知攀折是何人青青謂柳楊公以龔宅比陶廬

### 移松皆死

李白今何在桃紅已索然君看赤松子猶自不長年

### 山中

隨月出山去尋雲相伴歸春晨花上露芳氣著人衣

李白

詩暮從碧山下山月隨人歸却顧所來徑蒼蒼橫翠微○王昌齡詩朝飲花上露夜卧松下風○王維詩澗芳

襲人衣山月映石壁○謝靈運詩  
花上露猶炫離騷芳菲兮襲予

送王補之行風忽作因題四句於舟中

淮口西風急君行定幾時故應今夜月未便照相思

戴叔

倫詩未可動歸橈前程風浪急○李白詩吳洲如見月  
千里幸相思○杜牧之詩只應明月見千里兩相思

再題南澗樓

北山雲漠漠南澗水悠悠去此非吾願臨分更上樓

建康

志南澗樓在城南八里南史何求除永嘉守住南澗寺  
不肯詣臺乞於野外拜受見許忽一夜乘小船逃歸吳  
○令狐楚詩適楚豈吾願思歸秋向深○唐張喬詩一  
夜江潭風雨後九華晴望倚天秋重來此地知何日欲

別殷勤  
更上樓

被召作

一本作  
北山題

榮祿嗟何及明恩愧未酬欲尋西掖路更上北山頭

此詩

意兼君親言之○鄭畋直禁苑  
詩甞來西掖路還整上清槎

南浦

南浦隨花去迴舟路已迷暗香無覓處日落畫橋西

杜詩

桃花客若至定似昔人迷○韓  
詩欲知花島處水上覓紅雲

題定林壁懷李叔時

雲與淵明出風隨禦寇還燎爐無伏火蕙帳冷空山

陶淵

明歸去來辭雲無心而出岫○列子御風而行旬有五  
日而後反○秋興賦燎薰爐兮炳明燭○江淹詩膏爐  
絕沈燎綺席生浮埃○北山移文蕙帳空兮夜鶴怨

### 離蔣山

出谷頻回首逢人更斷腸  
桐鄉豈愛我我自愛桐鄉

白公

別草堂詩身出草堂心不出又詩眉低出鷺  
嶺脚重下蛇岡亦公此意○桐鄉見上注

### 江上

江水漾西風江花脫晚紅  
離情被橫笛吹過亂山東

謝希

逸月賦洞庭始  
波木葉微脫

### 春雨

苦霧藏春色愁霖病物華幽期無可奈強嚼一杯霞

鮑昭

鶴賦嚴嚴苦霧皎皎悲泉○選詩有愁  
霖唱一杯霞言酒也酒有流霞九醞

### 歸燕

馬上逢歸燕知從何處來貪尋舊巢去不帶錦書回

或云

此乃鄭毅夫所作○杜子美詩寄書不至鴈無  
情○文選江淹詩袖中有短詩願寄雙飛燕

### 和惠思波上鷗

翩翩白鳬鷗汎汎水中游西來久不見夢想在滄洲

樂晉

志拂舞歌有白鳬鷗舞疑詩鳬字誤當作浮不然亦並  
二鳥也○杜詩相趣鳬鷗入蔣芽○屈原卜居章句將  
汎汎若水中之  
鳬兮與波上下

秣陵道中口占二首

經世才難就田園路欲迷慙慙將白髮下馬照清溪

次

謂故廬在臨川○杜牧詩弄溪  
終日到黃昏照數秋來白髮根

其二

歲熟田家樂秋風客自悲茫茫曲城路歸馬日斜時

曲城



在秣陵

### 次青陽

十載九華邊歸期尚眇然秋風一乘傳更覺負林泉

九華

山在池州○歸期謂歸江西○漢書高帝紀田橫懼乘傳詣洛陽如淳曰四馬高足為置傳四馬中足為馳傳四馬下足為乘傳

代陳景初

一作元

書于太一宮道院壁

官身有吏責觸事遇嫌猜野性豈堪此廬山歸去來

景初

黃冠師也據無為子集云碧虛子陳景元泰初入道為右街錄賜號真靖主中太一宮屢請歸廬山朝廷不從

大丞相舒公因真靖自言而題之云官身有吏責觸事  
遇嫌猜野性難堪此廬山歸去來無為子楊傑蓋碧虛  
子之友也聞而歎曰昔靖節先生賦歸去來以歸廬山  
之陽且八百年矣其辭未忘罕有繼其聲者今大丞相  
因子之言而及之愛子之深也夫靖節遠害於污俗真  
靖引分於治朝雖其去不同而所歸則一迺追靖節遺  
韻而歌歸去  
來以貽之

山雞

山雞照渌水自愛一何愚文采為世用適足累形軀李白

詩秋浦錦駝鳥人間天上稀山雞羞渌水不敢照毛衣  
○博物志山雞有美毛自愛其色終日映水目眩則溺  
死信乎其愚也

雜詠四首

故畦拋汝水新壟寄鍾山為問揚州月何時照我還

列子

天瑞篇拾遺穠於故畦○杜詩霜中登故畦○撫州城下臨水汝水合流此公言去撫而居江寧也○楚公葬於江寧之牛首山今言揚州月則公意止在江寧不復回首故畦矣

其二

已作湖陰客如何更遠遊漳江昨夜月送我到揚州

韋應

物詩婢娟昨夜月還向波中見○杜詩昨夜月同行○湖陰在公金陵所居旁近

其三

證聖南朝寺

證聖在今行宮北

三年到百回不知墻下路今日

幾花開

杜牧詩三年得歸去知遠幾千回○許敬宗詩心逐南雲逝形隨北鴈來故鄉籬下菊今日幾

開花

其四

桃李白

一作石

城塢餉田三月時柴荆常自閉花發少人

知

韓詩馬蹄無入朱門迹縱有春歸可得知

卧聞

卧聞黃栗留起見白符鳩坐引魚兒戲行將鹿女遊

兩前

語並見懷舒州山水呈昌叔注○杜詩細雨魚兒出唐詩有時隨鹿上山行王維詩鳳王啣果獻鹿女踏花行

### 秋興有感

宿雨清畿甸朝陽麗帝城豐年人樂業隴上踏歌聲杜詩

朝日謝芳甸○踏歌見後元豐行注  
○劉禹錫竹枝詞聞郎江上踏歌行

### 題八功德水

欲尋阿練若曳屐出東岡澗谷芳菲少春風著野桑法華

經第五卷假名阿練若好出我等過

### 口占示禪師

去歲別南嶽前年返泐潭臨機一句子今日遇同參南嶽

屬衡州泐潭洪州皆大禪林○傳燈錄僧問延昭如何是臨機一句師曰因風吹火用力不多惠勤語今遵曰吾老倦於提誘汝可往謁翠微彼即吾同參也○藥山上堂云我有一句子未曾說向人圓智師出云相隨來也僧問藥山一句子如何說藥山曰非言說圓智師曰早言說了也又惟儼禪師亦有一句子公案又船子和尚嘗謂同參道吾云云

偶書

一作雄  
聯題

雄也營身足聃兮誤汝多捐書知聖已絕學奈何

桓譚

曰昔老聃著虛無之言兩篇薄仁義非禮樂然後世好之者尚以為過於五經自漢文景之君及司馬遷皆有

是言今楊子之書文義至深而論不能於聖人若使遭遇時君更閱賢知為所稱善則必度越諸子矣據譚言如此則公有雄駉之目固宜○莊子山木篇翔佯而歸絕學捐書楊子人而不學雖無憂如禽何捐書之弊至於可以無學故曰誤汝也

### 送陳景初

舉族貧兼病煩君藥石功長安何日到一一問歸鴻

長安

君也其女弟也○時公在金陵持母喪○包信詩惟有貧兼病能令親愛疎

### 泊姚江

軋軋櫓聲急蒼蒼江日低吾行有定止潮汐自東西

李涉

詩櫓聲軋軋搖不前看他撩亂張帆走○初學記潮汐有朝夕之期詳見別注○張喬詩空門無去住行客自西東

樓上

蕩漾舟中客徘徊樓上人滄波浩無主兩槳邈難親唐人

詩亂山無主鷓鴣啼又無主杏花春自紅○滄波著一浩字尤佳

春晴

新春十日雨雨晴門始開靜看蒼苔紋莫上人衣來建常

詩藥院滋苔綠○雍陶詩錦文苔點點



淨相寺

俗呼為後籬寺在江寧縣西南六十里唐天祐十八年建國朝崇寧中改今額

淨相前朝寺荒涼二十秋曾遭減劫壞今遇勝緣修

錢起

詩黃葉前朝寺無僧寒殿開○維摩經若一劫若減一劫而供養之○白樂天重修香山寺詩曾隨減劫壞今

遇勝緣修

減音陷

將母

將母邦溝上留家白紵陰月明聞杜宇南北總關心

邦溝

在山陽縣已見上注○白紵山在太平州桓溫領妓游山好為白紵歌故以名之○陸龜蒙詩一心如瑞麥惟

作兩歧分

朱朝議移法雲蘭

幽蘭有佳氣，千載閔山阿。不出阿蘭若，豈遭乾闥婆。

華嚴

經阿蘭若名菩提場。今縣以名寺。乳閨婆城名也。當是移蘭入城中。故云。

晚歸

岸迴重重柳，川低渺渺河。不愁南浦暗，歸伴有嫦娥。

韓偓

詩兩兩玲禽渺渺溪。○唐詩歸時不覺夜出浦。月隨人又不愁歸路晚。明月上前汀。李白莫教明月去，留著醉娥。

題舫子

愛此江邊好留連至日斜眠分黃犢草坐占白鷗沙

杜詩

軟沙歌坐穩冷石醉眠醒○嚴武懶眠沙草愛風湍○  
茗溪漁隱曰盧綸山中絕句云陽坡草軟厚如織因與  
鹿麋相伴眠介甫只用五字道盡此兩  
句如云眠分黃犢草豈不簡而妙乎

### 惠崇畫

斷取滄洲趣移來六月天道人三昧力變化只和鉛

斷取

見純甫出惠崇畫注○杜詩聞君掃却赤縣圖乘興遣  
畫滄洲趣○退之詩文工畫妙各臻極異境彷彿移於  
斯

### 蒲葉

蒲葉清淺水杏花和暖風地偏緣底綠人老為誰紅

杜牧

詩蘿洞清淺水竹廊高下風公格律倣此○季文饒詠  
蘭蓀詩葉抽清淺水○儲光義詩蒲葉日已長杏花日  
已滋老農要看此貴不違天時○韓致光詩橋下淺深  
水竹間紅白花○隋薛道衡詩庭草無人隨意綠○杜  
詩無人碧草芳○劉夢得詩今日花前飲  
甘心醉數杯但愁花有語不為老人開

### 芳草

芳草知誰種緣階已數叢無心與時競何苦綠忽忽

李白

詩長短春草綠緣階如有情又故交不過門秋草日上  
階○張九齡與林甫海燕詩無心與物競鷹隼莫相猜

○魯直詩黃鸝  
惟見綠忽忽

與徐仲元自讀書臺上過定林

按建康志境內讀書臺凡四處

郭文舉書臺在冶城梁昭明書臺在蔣山定林寺後北高峰上董永讀書臺在溧水縣西四十里蔡伯喈讀書臺亦在溧水縣太虛觀東北以此觀之則公所游者必是昭明書臺蓋去定林不遠耳

橫絕潺湲度深尋犖确行百年同逆旅一壑我平生

河渠

書河蕩蕩兮激潺湲○退之詩山石犖确行徑微又搜尋得深行又炎潮度氛氲熱石行犖确○莊子世人直為物逆旅耳○陶詩家如逆旅舍我如當去客○晉明問謝鯤論者以君方庾亮自謂何如荅曰端委廟堂使百僚準則臣不如亮一丘一壑自謂過之

病中睡起折杏花數枝二首

獨卧南窗榻，脩然五六旬。已聞鄰杏好，故挽一枝春。

陸凱

詩聊贈一枝春。○韓詩西鄰北郭古寺空杏花兩株能白紅亦此意也

其二

獨卧無心處

一作起

春風閉寂寥，鳥聲誰喚汝。屋角故相

撩

退之詩無心思嶺北猿鳥莫相撩山谷詩佳眠未知曉屋角聞晴哢

送望之赴臨江

黃雀有頭顱，長行萬里餘。想因君出守，暫得免包苴。

袁尚

傳君頭顱方行萬里魯直亦云頭顱雖復行萬里猶和  
傅說鹽梅姜兩公詠黃雀皆使袁尚事○成湯六事包  
豈行  
歟

### 送丁廓秀才歸汝陽

風駛柳條乾  
馳裘未勝寒  
殷勤陌上日  
為客暖征鞍

然敏

詩春風潮水漫正月柳條寒○歐公詩春寒漠漠  
侵侵馳褐長卿詩獨伶南浦月今夕送歸鞍

### 送王彥魯

北客憐同姓  
南流感似人  
相分豈相忘  
臨路更情親

莊子

徐無鬼篇子不聞夫越之流人乎去國數日見其所知  
而喜去國旬月見所常見於國中者而喜及期年也見

似人而喜矣不亦去人  
滋久而思人滋深乎

送呂望之

池散田田碧臺敷灼灼紅年華豈有盡心賞亦無窮

古詩

雖無田田葉及爾泛漣漣○沈約詩山中咸可悅賞逐  
四時移○歐公云四時之景不同而樂亦無窮○東坡  
詩以彼無盡景  
寓我有限年

別方邵秘校

迢迢建業水中有武昌魚別後應相憶能忘數寄書

言魚

可寄書也○古樂府呼兒烹魚  
中有素書○武昌魚見吳志



# 梅花

牆角數枝梅凌寒獨自開遙知不是雪為有暗香來

戎昱

梅花詩應緣近水花先發疑是經春雪未消○古樂府庭前一樹梅寒多未覺開祇言花似雪不悟有香來○荆公畧轉換耳或偶同也

# 紅梅

春半花纔發多應不奈寒北人初未識渾作杏花看

梅宛

陵詩驛使前時走馬回北人初識越人梅○西清詩話云紅梅清艷兩絕昔獨盛於姑蘇晏元獻始移植西岡第中特珍賞之一日貴游賂園吏得一枝分接由是都下有二本公嘗與客飲花下賦詩曰若更遲開三二月

北人應作杏花看客曰公詩固佳待北俗何淺也公笑曰顧儉父安得不然一坐絕倒王君玉聞盜花事以詩遺公云館娃宮北舊精神粉瘦瓊寒露蕊新園吏無端偷折去鳳城從此有雙身自爾名園爭培植遍都城矣○茗溪漁隱曰介甫紅梅詩與元獻詩暗合然介甫句意視元獻為工

### 病起過寶覺

執手乍欣悵霜毛應更新依然舊童子却想夢前身

善財

童子入毗盧樓閣見諸境界種種裝嚴不可思議彌勒告言如上所見從何處來善財曰從諸佛智惠中來依諸佛智惠而住無有去處亦無住處如夢如幻不可思議爾時善財聞彈指聲從三昧起蓋善財末後證入法身見前來參訪五十二人知識皆是夢境以執手二字觀之知為善財不疑善財初參德雲比丘德雲執善財

手云云○楊巨源與劉評事過故證上人院詩階雪凌  
春積鐘煙向夕深依然舊童子相送出花陰○戎昱春  
日游僧院詩依然舊  
童子相送出花林

### 書定林院窗

道人今輟講卷衲寄松蘿夢說波羅蜜當如習氣何

自公

注云問遠大師師云夜來夢與說十波羅蜜○淨土經  
各以衣衲盛衆妙花供養他方千億佛舍利佛問須菩  
提夢中說六波羅蜜與覺時是同是別須  
菩提云此義幽深吾不能說汝往問彌勒

### 題徐浩書法華經

一切法無差水牛生象牙莫將無量義欲覓妙蓮華

華嚴

經第二十是以一法入一切法以一切法入一法而不壞其相者之所住處○法華經云佛說大乘經名無量義教菩薩法佛所護念說是經已即於大眾中結跏趺坐入於無量義處三昧

春怨

掃地待花落惜花輕著塵遊人少春戀踏去却尋春

張籍

詩不教人掃石  
恐損落來花

離昇州作

相看不忍發滌滄暮潮平語罷更攜手月明洲渚生

建康

舊名昇州○李白送殷淑詩  
相看不忍別更進手中杯

回文四首

碧蕪平野曠黃菊晚村深客倦留甘飲身閒累苦吟

回文

未審起於何時皮日休推體詩序晉溫嶠始有回文詩

其二

夢長隨永漏吟苦雜疎鐘動葢荷風勁沾裳菊露濃

其三

迸月川魚躍開雲嶺鳥翻徑斜荒草惡臺廢冶花繁

其四

泊鴈鳴深渚收霞落晚川  
柝隨風歛陣樓映月低弦  
漠漠汀帆轉幽幽岸火然  
壑危通細路溝曲繞平田

題西太一宮壁二首

柳葉鳴蜩綠暗荷花落日紅  
酣三十六陂春水白頭想

見江南

一作草色連雲漠漠樹陰落日潭潭者非此篇  
歐蘇有和韻當據為正○春水一作煙水神宗

元豐二年導洛通汴引古索河為源注房家黃家孟王  
陂及三十六陂高仰處渚水為塘以備水不足則決以  
入河據此則京師亦有三十六陂未知公所指在何處  
○詩疏曰鳴蜩蟬也又三十六陂在揚州天長縣故云  
想見江南蔣之奇傳可考

其二

三十年前此地

一作路

父兄持我東西今重來白首欲

尋陳迹都迷

王播詩三十年前此院遊持我當作將我前漢紀欲將我安之乎

西太一宮樓

草際芙蓉零落水邊楊柳歌斜日暮炊煙孤起不知魚

網誰家

白樂天詩夏口煙孤起湘川雨半晴○杜牧之詩角聲孤起夕陽樓

宮詞

六宅新粧促錦三宮巧仗叢花一片黃雲起處內人遙

認官家

此王建宮詞  
初非公作

王荊公詩注卷四十



欽定四庫全書

王荊公詩注卷四十一

宋 李壁 撰

律詩

歌元豐五首

水滿陂塘穀滿篝漫移蔬果亦多收  
神林處處傳簫鼓

共賽元豐第一秋

夢得詩楓林社日鼓茅屋午時雞  
○淳于髡傳甌窰滿篝注篝籠也

其二

露積山禾

一作成山

百種收漁梁亦自富鰕鮓無羊說夢非

真事豈見元豐第二秋

楚茨我庾維億毛氏曰露積曰庾語云野有庾積又退之韓許

公神道碑公私充塞至於露積不垣又齊民要術百種非上聲○詩維鵲在梁即魚梁也○無羊之詩曰牧人乃夢衆維魚矣旒維旗矣大人占之衆維魚矣實維豐年旒維旗矣室家臻臻注衆魚則為豐年應旒旗則為盛多之象

其三

湖海元豐歲又登旅生猶足暗溝塍家家露積如山瓏

黃髮咨嗟見未曾

光武紀建武二年野蚕成繭野穀旅生注云不因播種而生故曰旅一作

稻古字通用又東坡云地久不生穀氣无所耗蘊畜自發而為野蚕旅穀也吾以是知五穀耗地氣為甚

### 其四

放歌扶杖出前林遙和豐年擊壤音曾侍玉堦知帝力

曲中時有譽堯心

柳詩出門呼所親扶杖登西林高歌足自快商頌有遺音○趙后傳砌皆

銅沓冒黃金白玉階○莊子與其譽堯而非桀不若兩忘而化其道一本作土堦韓非子土堦三尺謂堯也

### 其五

豚柵雞埒晡霽間暮林搖落獻南山豐年處處人家好

隨意飄然得往還

莊子達生篇為彘謀曰不如食以糟糠而錯之牢筮之中注筮木闌也○

詩君子于役雞棲于塹日之夕矣。吳融  
詩鵝湖山下稻梁肥苑穽雞栖對掩扉

碁

莫將戲事擾真情且可隨緣道我贏戰罷兩奩收黑白

一枰何處有虧成

舒王在鍾山與道士碁道士曰彼亦不敢先此亦不敢先惟其不敢先是

以無所爭故能入於不死不生公笑曰此特碁謎也。莊子齊物篇有成與虧故昭氏之鼓琴也。韋耀博奕論然其所志不出一枰之上吳志

題扇

玉斧修成寶月團月邊仍有女乘鸞青冥風露非人世

鬢亂釵橫特地寒

西陽雜俎鄭仁本與其中表遊山迷路見一人枕山樸物而坐因問之云

君知月七竇合成乎常有八萬二千戶修之我其一也  
因開襪示之有斤斧數事玉屑飯兩裹分遺鄭曰食此  
可無疾○劉夢得詩雲衡不要吹簫伴只擬乘鸞獨自  
飛○江淹雜擬紈扇如團月出自機中素畫作秦王女  
乘鸞向煙霧○韓詩  
春半邊城特地寒

### 夢

黃粮欲熟且留連漫道春歸莫悵然胡蝶豈能知夢事

蘧蘧飛墮晚花前

雖言春去而无戀繆之意均知為夢耳○趙昌言極有才思嘗下第作詩

落句云唯有夜來胡蝶  
夢翩翩飛入刺桐天

清明

東城酒散夕陽遲南陌秋千寂寞垂人與長瓶卧芳草

風將急管度青陂

古今藝術曰秋千北方戎戲以習輕趨者。觀遲字乃見晚唐詩夕陽无

限好只是近黃昏太迫促也。歐公詞綠楊隄外出秋千。張文昌詩詩成添舊卷酒盡卧空瓶

東岡

東岡歲晚一登臨共望長河映遠林萬竅怒號風喪我

千波競踴水無心

莊子齊物論是惟不作作則萬竅怒號。又今者吾喪我

春郊

青秧漫漫出初齊雞犬遙聞路却迷但見山花流出水

那知不是武陵溪

秧穉穀苗也杜詩六月青稻多千畦碧泉亂插秧適云已引溜加灌溉○

韓致光詩山頭水從雲外落水面花自山中來杜牧詩此花不逐溪流出晉客无因入洞來

元日

爆竹聲中一歲除春風送暖入屠蘇千門萬戶曈曈日

總把新桃換舊符

爆竹歲旦爆竹于庭世傳庭燎之禮非也神異記云西方山中有入長文

餘人見之即病寒熱名曰山臊以火著竹中煇煇有聲則驚遁遠去煇音畢煇音朴○四時纂要屠蘇孫思邈所居庵名一云以其能辟魃故云屠割也蘇腐也今醫方集衆藥為之除夕以浸酒懸于井中元日取之自少

至長東面而飲取其淖以絳囊盛挂于門桁之上主辟瘟疫。陳陶朝元引云萬宇靈祥擁帝居東華元老薦屠蘇。漢禮儀志門戶代以所尚周人未德以桃為更言氣相更也以桃符板為新桃舊桃蓋北方語

九日

九日無歡可得追飄然隨意厯山陂蔣陵西曲風煙澹

也有黃花一兩枝

張濱詩白首成何事元歡可替悲。長孫鑄落日去關外悠悠隔山陂。

建康有九日臺齊武帝時立商飈館於孫陵岡世呼為九日臺又十道志云武帝九日燕羣臣孫陵岡即吳大帝蔣陵今在城西南俗呼為招陵岡去城十五里

初晴



幅巾慵整露蒼華。度隴深尋一徑斜。小雨初晴好天氣。

晚花殘照野人家。

黃庭經至道章髮神蒼華字太玄注。白與黑謂之蒼。太白詩新雪滿前。

山初晴好天氣。羅虬詩宿雨初晴春日長入簾花氣靜難忘。

### 南蕩

南蕩東陂水漸多。陌頭車馬斷經過。鍾山未放朝雲散。

奈爾黃梅細雨何。

戴叔倫詩陌頭車馬共營營。杜詩四月熟黃梅冥冥細雨來。

### 芙蕖

芙蕖耐夏復宜秋。一種今年已滿溝。南蕩東陂無此物。

但隨深淺見游鯈

溝西

溝西直下看芙蓉葉底三三兩兩魚若比濠梁應更樂

近人渾不畏春鉏

此言魚樂近人而忘其所可畏其意深矣。新序虎豹厭閑而近人故得

魚鼈厭深而之淺故得。爾雅鷺春鉏。皮日休詩數點春鉏烟雨微。

東臯

東臯攬結知新歲西嶠攀翻憶去年肘上柳生渾不管

眼前花發即欣然

攬結見別注謝靈運詩洞庭空波瀾桂枝徒攀翻。莊子至樂篇支離叔

與滑介叔觀於冥伯之丘崑崙之區黃帝之所休俄而柳  
生其左肘支離叔曰子惡之乎滑介叔曰生者假借也  
假之而生生者塵垢也死生為晝夜且吾與子觀化而  
化及我又何惡焉○眼前花出四十二章經結尾一段  
○樂天詩花發眼中猶  
足怪柳生肘上亦須休

### 一陂

一陂燄水蔣陵西舍風却轉與城齊周遭碧銅磨作港  
逼塞綠錦剪成畦

蔣陵即孫仲謀葬處後聯  
即退之青羅碧玉之體

### 園蔬

園蔬小摘嫩還抽畦稻新春滑欲流枕簟不移隨處有

飽餐甘寢更無求

陶詩摘我園中蔬。杜詩自鋤稀菜甲。小摘為情親。退之聯句野蔬拾

新柔。賈山傳離宮三百鐘鼓。惟帳不移而具。

蕭然

蕭蕭三月閉柴荆。綠葉陰陰忽滿城。自是老來游興少

春風何處不堪行。

宗楚客詩。今朝上林樹。無處不堪攀。唐人詩。春來何處不堪行。白詩。

惟有閑行。猶得在。心情未到。不如人與公意。雖異而皆佳。

杖藜

杖藜隨水轉東岡。興罷還來赴一牀。堯桀是非猶

一作昨

入夢因知餘習未全忘

蕭望之傳堯桀之分在於義利而已○蔡寬夫詩話云荆公居

鍾山一日晝寢夢有古衣冠相過者貌偉甚曰我桀也與公論治道反覆百餘語不相下公既覺猶汗流被體因笑語客曰吾習氣尚若是乎乃作小詩識之即此詩也

### 圖書

圖書老矣尚紛披神劖天黥以有知茅竹結蟠聊一榻

却尋三界外愚癡

莊子大宗師篇許由謂意而子曰夫堯既已黥汝以仁義而劖汝以是非

矣汝將何以游夫遙蕩恣睢轉徙之塗乎意而子曰雖然吾願游於其藩許由曰不然夫盲者無以與乎眉目顏色之好瞽者無以與乎青黃黼黻之觀意而子曰夫無莊之失其美據梁之失其力黃帝之亡其智皆在壺

鍾之間耳庸詎知夫造物者之不息我黥而補我劓使我乘成以隨先生耶。詩意言欲補其黥劓而返之初也。

老嫌

老嫌智巧累形軀欲就田翁學破除百歲用癡能幾許

救吾黥劓可無餘

薛能贈老僧詩曰觀師莫羨人間有幸自元無免破除

移柳

移柳當門何啻五穿松作徑適成三臨流遇興還能賦

自比淵明或未慙

誰將

誰將石黛染春潮復撚黃金作柳條西崦東溝從此好

筍輿追我莫辭遥

黃金柳條見下篇。文公十五年公羊注筍者竹筴一名編輿

雪乾

雪乾雲淨見遥岑南陌芳菲復可尋換得千顰為一笑

春風吹柳萬黃金

顰言眉謂柳梅方舒易顰而為笑。樂天一樹春風千萬枝嫩如金色軟

於絲

南浦

南浦東岡二月時物華撩我有新詩舍風鴨綠粼粼起

弄日鵝黃裊裊垂

公每自哦鴨綠鵝黃之句云此幾凌轢春物。冷齋夜話云用事琢句妙

在言其用而不言其名此法惟荆公東坡山谷三老知之荆公鴨綠鵝黃之句此本言水柳之名

### 竹裏

竹裏編茅倚石門

一作石根

竹莖踈處見前村閒眠盡日無

人到自有春風為掃門

蘇仙公傳先生省母處有桂竹二枝无風自掃其地恒淨。公

詞云茅屋數間窗窈窕塵不到時時自有春風掃。賀方回嘗作一絕題于定林寺云破冰泉脉救籬根壞衲猶疑挂樹猿屐舊痕尋不見東風先為我開門公見之大相稱賞緣此知名此詩頗亦似之



隨意

隨意柴荆手自開沿崗度塹復登臺小橋風露扁舟月

迷鳥羈雌競往來

競真本作覺字。枚叔七發朝則羈黃鵠鳴鳴焉暮則羈雌迷鳥宿焉。

歐陽公梅詞可惜溪橋月明風細長是在人歸後余嘗  
我之以為佳今味公語浩然月露中惟宿鳥獨覺其來  
去耳。杜詩無人覺來往疎懶意  
何長俗本改作競字便無意思

秋雲

秋雲放雨靜山林萬壑崩湍共一音欲記荒寒無善畫

賴傳悲壯有能琴

張正甫僧碑會一音吹萬  
有黃詩貝宮荒寒弄明月

春風

春風過柳綠如縑晴日蒸紅出小桃池暖水香魚出處

一環清浪湧亭臯

韓桃源圖川原遠近蒸紅霞王建詩青帝少女染桃花露粧初出紅猶濕

○樂天開元東池詩池水暖溫暾水清波潏潏○杜玉蓮開蕊暖泉香周穆王時西戎獻玉盃光照一室置杯中庭明日水滿杯香而甘美出十洲記

陂麥

陂麥連雲慘淡黃綠陰門巷不多涼更無一片桃花在  
借問春歸有底忙

木末

木末北山煙冉冉草根南澗水泠泠綠成白雪桑重綠

割盡黃雲稻正青

木末猶木之顛也  
杜詩我僕猶木末

進字說

正名百物自軒轅野老何知強討論但可與人漫醬瓠

豈能令鬼哭黃昏

禮記祭法黃帝正名百物。公有進  
字說表。揚雄傳劉歆謂太玄吾恐

後人用覆醬瓠也。淮南子昔倉頡作書而天雨粟  
鬼夜哭注鬼或作兔兔恐取其毫製筆言反之故哭

成字說後

昂湖龍去字書存開闢神機有聖孫湖海老臣無四目

漫將糟粕汚修門

謂黃帝昂成乘龍仙去所作書契與字之六誼故存倉頡四目與沮誦皆

黃帝之史睹鳥迹遂制字公自言不敢望倉頡止得古人之糟粕也。聖孫言神考公意謂本朝黃帝之後耳然趙氏竇祖顓帝而顓帝不出於黃帝更當考。楚詞招魂曰魂兮歸來入修門王逸注郢城門也。柳子厚詩重入修門自有期後人皆以京師門為修門矣

窺園

杖策窺園日數巡攀花弄草興常新董生只被公羊惑

肯信捐書一語真

仲舒少治春秋三年不窺園其精如此本傳槩言治春秋儒林胡毋生傳

始言與仲舒同業公羊。唐劉史彤放螢怨且逍遙還  
酩酊仲舒漫不窺園井。○蔡寬夫詩話云荆公嘗言詩  
家病使事太多益皆取其與題合者類之如此乃是編  
事雖工何益若能自出已意借事以相發明變態錯出  
則用事雖多亦何所妨故公詩如董生只被公羊惑肯  
信捐書一語真枯槁俯仰何妨事抱甕區區老此身之  
類皆意與本處不類  
此真所謂使事也

### 嘲白髮

久應飄轉作蓬飛。眷惜冠巾未忍違。種種春風吹不長。

星星明月照還稀。

左思白髮賦昔臨玉顏今從飛蓬髮  
膚至昵尚不克終。○左昭公三年余

髮種種如此余奚能為。○高蟾詩人生莫遣頭如雪雖  
得春風亦不消。○南史陸展青青不解久星星行復出

代白髮荅

從衰得白自天機，未怪長青與願違。  
看取春條隨日長，

會須秋葉向人稀。

養生論：從衰得白，從白得老。白傅詩：歲課年功，頭髮知從霜成。雪君看取。

外廚遺火二絕

竈鬼何為便赫然，似嫌刀机苦無羶。  
圖書得免同煨燼，

却賴廚人清不眠。

李白詩：廚竈无青煙，刀机生綠蘚。○莊子：上无欲清之人。○戰國策：張儀

引廚人。○劉楨賦：廚人進瓜。

其二

青煙散入夜雲流，赤焰侵尋上瓦溝。門巷便疑能炙手，

比隣何苦却焦頭。

唐崔鉉傳鄭楊段薛炙手可熱。焦頭事見上注。

### 初夏即事

石梁茅屋有彎碕，流水濺濺度兩陂。晴日暖風生麥氣，

綠陰幽草勝花時。

韓詩暖風抽宿麥，清雨卷歸旗。唐人詩散盡平生眼中客，暖風晴日閉

門居。

趙師民詩：麥天

晨氣潤槐夏，午陰清

### 千蹊

千蹊百隧散林丘，圖畫風煙一色秋。但有興來隨處好，

楊朱何苦涕橫流

淮南子楊朱見岐路而哭之謂其可以南可以北傷其本同而末異也

和陳輔秀才金陵即事

南郭先生比鷓鴣年年過我未愆期休論王謝當時事

大抵烏衣祇舊時

莊子山木篇鳥莫知於鷓鴣目之所不宜處不給視雖落其實棄之而走

注避禍速也。晉南渡王謝諸名族居秦淮之南烏衣巷王僧虔拜中丞曰此自烏衣諸郎坐處我亦試為之今建康城南長干寺有小巷曰烏衣去朱雀橋不遠。劉禹錫詩朱雀橋邊野草花烏衣巷口夕陽斜舊時王謝堂前燕飛入尋常百姓家而詩話多言王謝至烏衣國妄也

和耿天隲以竹冠見贈四首



竹根殊勝竹皮冠欲著先須短髮乾要使人共見

不持方帽禦風寒

漢高祖為亭長以竹皮為冠應劭注以竹始生皮作冠今鵲尾冠也。禮

記玉藻髮晞用象拂注晞乾也。方帽今之暖帽

## 其二

無物堪持比此冠竹皮柔脆穀皮乾故人戀戀緇袍意

豈為哀憐范叔寒

穀皮楮木皮也今人取以為冠上有斑點可愛。范曄傳須賈曰今叔何

事曄曰臣為人庸賁須賈意哀之留與坐飲食曰范叔一寒如此哉乃取其一緇袍以賜之又曰公之所以得無死者以緇袍戀戀有故人意故釋公

其三

玉潤金明信好冠錯刀剗出蘚紋乾不忘君惠常加首

要使歡盟未可寒

張衡四愁詩云美人贈我金錯刀注古者諸王佩刀以金錯鏤其環又王

莽造錯刀以金錯其文。謝承後漢書云詔賜應奉金錯把刀。項斯謝山友贈蘚花冠詩塵汙出山髮慙君青蘚冠。王績詩一間松葉屋數片蘚花冠。石昂聯句外芭乾蘚紋中有暗浪驚穀梁傳弁冠雖敝必加於首

其四

冠工新意斲檀欒霧卷雲蒸色未乾遺我山林真自稱

何須貂暖配金寒

應劭漢官儀曰侍中金蟬左貂金取剛百鍊不耗蟬高居飲潔目在腋下

貂內勁而外溫。左閔公一年金寒玦離此言貂暖金寒亦大工矣。檀欒竹也。

### 和郭功甫

且欲相邀卧看山扁舟自可送君還留連城郭今如此

知復何時伴我閒

梅宛陵以功甫為李白後身嘗有采石月詩贈功甫云采石月下聞謫仙

夜披錦袍坐釣船云云在昔熟識汾陽王納官賞死義難忘今觀郭喬奇俊郎眉目真似攻文章死生往復猶康莊樹穴探環知姓羊。此譏功甫久留城市不從看山之約且言苟能過我豈不辦一舟送君歸乎

### 次韻葉致遠置洲田以詩言志四首

吟歎君詩久掉頭知君興不負滄洲土山欲為羊曇賭

且可專心學奕秋

謝安傳秦師次淮淝遂命駕出山墅親朋畢集方與玄圍碁賭別墅安常

棋劣於玄是日玄懼便為敵手而又不勝安遂顧謂其甥羊曇曰以墅乞汝。土山見遊土山示蔡天啓注

其二

若將有限計無涯自困真同算海沙隨世緣聊戲劇

莫言河渚是吾家

傳燈錄鑒宗語洪謹佛祖正法直截七詮汝算海沙於理何益。傳燈錄

唐張拙秀才悟道頌光明寂照偏河沙凡聖含靈共一家一念不生全體現六根纔動被雲遮破除煩惱重增

妄趣向真如反是邪隨順世緣无挂碍涅槃生死等空花

其三

菴成有興亦尋春風暖荒萊步始勻若遇好花須一笑

豈妨迦葉杜多身

頭陀行有十二件頭陀亦名杜多皆梵語也華云抖擻。世尊舉花迦葉

微笑謂眼花今云  
好花亦借用耳

其四

明時君尚富春秋豈比衰翁遠自投智略未應施畎畝

上前他日望吾丘

高五王傳皇帝春秋富師古曰言年幼也比之於財方未匱竭故謂之富

又曹參傳悼惠王富於春秋後漢樂恢傳陛下富於春秋注春秋謂年也言年少春秋尚多故稱富。吾丘壽

王傳予在上前之時智略輻奏注  
言其无方而至若車輪之歸於轂

次韻朱昌叔

寄公無國寄鍾山垣屋青松晦靄間長以聲音為佛事

野風蕭颯水潺湲

本朝郡國之封止為名耳未嘗實君其土也公在鍾山故云寄○禮記郊

特牲諸侯不臣寓公注寄公也又喪大記君之喪未小  
斂為寄公國賓出○文中子關朗篇垣屋什物必堅朴  
曰无苟費也○維摩  
經有以聲音為佛事

次張唐公韻

公與唐公在仁  
宗時皆知制誥

憶昨同追八馬蹄約公投老此山棲公乘白鳳今何處

我適新年值白雞

王子年拾遺記曰周穆王即位巡行天下御八龍之駿名曰絕地翻羽奔

霄越影踰輝超光騰霧挾翼。李義山九成宮詩風逐周王八馬蹄又穆王廟詩八馬空追落日行。後漢崔駰達音云或盥耳而山棲又唐王績傳夫鳳不憎山棲龍不羞泥蟠君子不苟潔以罹患不避穢而養精也。唐詩不知今夜游何處從者皆騎白鳳凰此謂從仁宗也

### 次俞秀老韻

解我葱珎脫孟勞暮年甘與子同袍新詩比舊增奇峭

若許追攀莫太高

青玉為葱穀梁傳曰孟勞魯之寶刀

### 酬宋廷評請序經解

未曾相識每相憐香火靈山或

一作亦

有緣訓釋雖工君尚

少不應急務世人傳

廷評名保國即芑公之姪景文公之第十一子公集有荅宋保國書

書中論經解疑即廷評也今錄於此某啓使人三至示以經解副之佳句勤勤如此豈敢鹵莽以虛來旨所示極好尚有少疑相營從者久淹於符離莫異時肯顧我可盡所懷未爾為時自愛不宣○每一作已急一作忽○北史陸法和曰但從空王佛所與主上有香火因緣○自注陸法和云與梁元帝於空王寺佛前有香火因緣下聯言著書當務精研以求進益未宜輕出所謂傳不習乎者急於傳也

### 送耿天隲至渡口

雪雲江上語依依不比尋常恨有違四十餘年心莫逆



故人如我與君稀

莊子相視而笑莫逆於心。東坡詞算詩人相得如我與君稀

送道原還儀真作詩要之

沈季長也

歲暮青條已見梅餘花次第想爭開淮南無此山林勝  
作意春風更一來

送方劭秘校

南浦柔條拂面垂攀翻聊寄我西悲武昌官柳年年好

他日春風憶此時

攀翻見東臯注。陶侃傳都尉夏施盜官柳植之於已門侃後見問之曰

此武昌西門前官柳何因

盜來此種施惶怖謝罪

荅韓持國芙蓉堂二首

按建康志在舊府治  
今行宮猶有舊基

投老歸來一幅巾尚私榮祿

一作君恩猶許

備藩臣芙蓉堂下

疏秋水且與龜魚作主人

趙王彭祖傳中山王不佐天子撫循百姓何以稱為藩臣

其二

乞得膠膠擾擾身五湖煙水替風塵祇將鳬鴈同為侶

不與龜魚作主人

古詩月沒教星替。白詩豈有文章替左司。李羣玉詩云十年侶魚鼈


垂頭在沅湘

長干釋普濟坐化

一本作哭慈照大師

投老唯公最故人相尋長恨隔城闌百年俯仰隨薪盡  
畫手空傳淨戒身

公時已僦  
宅城中居



王荊公詩注卷四十一

欽定四庫全書

集部

王荊公詩注卷四十二

詳校官庶吉士<sub>臣</sub>龍廷槐

檢討<sub>臣</sub>何思鈞覆勘

總校官進士<sub>臣</sub>繆琪

校對官檢討<sub>臣</sub>盧應

謄錄監生<sub>臣</sub>魏廷勳

欽定四庫全書

王荊公詩注卷四十二

宋 李壁 撰

律詩

送黃吉父入京題清涼寺壁

薰風洲渚薺花繁  
看上征鞍立寺門  
投老難堪與公別

倚崗

一作江

從此望回

一作通

轅

李白詩東風春草  
綠江上候歸軒

送和父至龍安微雨因寄吳氏女子

荒煙涼雨助人悲淚染衣襟不自知除却東風沙際綠

一如看汝過江時

劉孝標書泣然不知涕之無從也。杜詩春從沙際歸

與道原步至景德寺

前時偶見花如夢紅紫紛披競淺深今日重來如夢覺

靜無餘馥可追尋

公自注云元豐七年三月十九日。傳燈錄陸亘大夫見南泉南泉云老

僧見一株花如夢相似陸當下有省

過法雲寺

按建康志寺在城外東北十里本齊集善寺齊世祖為豫章文獻王造也

路過潮溝八九盤

按建康實錄潮溝吳大帝所開以引江潮其舊迹在天寶寺後招提

雪脊隱雲端金鈿一一花總老翠被重重山更寒

高齊築三

臺少帝登脊疾走殊无畏怖。招提雪脊謂寺之屋脊也。必加堊故云雪脊。公又有招提素脊隱西阿句。樂天詩亭脊大高君莫圻東家留取當西山。金鈿翠被見招約之職方注

### 光宅寺

光宅寺梁武帝宅也其北齊安寺隔淮齊武帝宅也宋興又在其北齊安今為

妙靜寺在城東門外前臨官路後徙置高壠面秦淮南唐昇元中建

齊安孤起宋興前光宅相仍一水邊

選詩何慚宿昔蜂意猜恨坐相仍

分蟻爭今不見故窠遺垤尚依然

抱朴子云蟻有兼弱之智蜂有攻寡之計

又五行記云後魏顯宗時兗州有黑蟻與赤蟻交鬪長六十步廣四寸赤蟻斷頭而死東魏孝靜時鄴下有黃



蟻與黑蟻鬪。白傅詩蜂  
窠與蟻蛭隨分有君臣

題勇老退居院

公自注今鐵索按建康志鐵索寺名今名瑞相在城南門外本

晉時尼寺至宋建業十一年有尼鐵索羅等三人至因以為號及宋朝開寶中有僧重興

瑞相禪師塔

又改今額

道人投老寄山林偶坐翛然洗我心夢境此身能且在  
明年寒食更相尋

易聖人以此洗心。盧携詩老夫如且在不用歎屯奇。白樂天詩好去

今年江上春明年未死還相見

與寶覺宿龍華院三絕

老於塵迹倦追攀，但見幽人數往還。憶我小詩成悵望，

金山祇隔數重山。

公自注云：某舊有詩：京口瓜州一水間，鍾山只隔數重山。春風自綠江南

岸。明月何曾照我還。按建康志：溧陽縣南五十里亦有金山，不知詩指此山，或浮玉之金山也。然後兩篇又

言京口只是浮玉之金山。

## 其二

世間投老斷攀緣，忽憶東遊已十年。但有當時京口月，

與公隨我故依然。

維摩經云：何斷攀緣以无所得？若无所得，即无攀緣。按鎮江志：孫權自

吳徙丹徒，謂之京城，亦曰京口。晉桓溫以京口兵勁，不欲郝愔居北府，故有京口酒可飲，兵可用之言，即指此。

也今尚有京口鎮去城最近與瓜洲相對土人但呼為江口鎮云。劉夢得詩淮水東邊舊時月夜深還過女牆來又李白詩月行長與人相隨

其三

與公京口水雲間問月何時照我還邂逅我還還問月何時照我宿金山

清涼寺白雲菴

菴雲作頂峭無鄰水月為衿靜稱身未落崗巒因自獻水歸洲渚得橫陳

杜月峽瞿塘雲作頂。杜牧詩水如環佩月如襟。自獻見尚書。周禮

掌客注有橫陳字又騷詞橫自陳兮君之前今人但取首楞嚴經於橫陳時味如嚼蠟非也

### 自定林過西菴

午雞聲不到禪林  
栢子煙中靜擁衾  
忽憶西巖道人語  
杖藜乘興得幽尋

### 歸菴

稻畦藏水綠秧齊  
松鬣初乾尚有泥  
縱蹇尋岡歸獨臥  
東菴殘夢午時雞

酉陽雜俎松言五粒者粒當言鬣自有一種名鬣皮無鱗甲而結實多

### 雪中遊北山呈廣州使君和叔同年

南枝歲晚亦花開有底堪隨驛使來看取鍾山如許雪

何須持寄嶺頭梅

和叔時赴廣帥用嶺頭事尤切

謝公墩二首

建寧志墩在半山報寧寺之後基尚存

我名公字偶相同我屋公墩在眼中公去我來墩屬我不應墩姓尚隨公

詩話曰或云荆公性好與人爭在廟堂則與諸公爭新法歸山林則與謝

公爭墩此亦善謔也

其二

謝公陳迹自難追山月淮雲祇往時一去可憐終不返

暮年垂淚對桓伊

事見桓伊傳已見古詩謝公墩注。一去不返似言出鎮新城以避道子

繼遂卒也

### 東陂二首

東陂風雨卧黃雲，賸水翻溝隔隴分。  
春玉取新知不晚

腰鎌今日已紛紛

言水多洩之入他隴也。春謂搗剥去秕糠言將炊新米也。

### 其二

荷葉初開筍漸抽，東陂南蕩正堪遊。  
無端隴上脩脩麥

橫起寒風占作秋

禮記孟夏麥秋至又見蔡邕月令章句云百穀各以其初生為春熟為秋

故麥以孟夏為秋。宋景文詩情  
知邊地霜風惡不肯將花剝占秋

山陂

山陂院落今按種城郭樓臺已放燈白髮逢春惟有睡

睡間啼鳥亦生憎

劉晏傳時大兵之後京師斗米千錢  
禁膳不兼味旬農按種以輸。江西

方言按種謂以足按之又云凡打禾取穀以兩木相穿  
擊之至取穀為種則不然以足按之至今謂之按種以  
兩木擊之則穀多綻破種不生也。○  
此詩似謂居閒時不免世俗之嫌嫉

欲往鍾山以雨止

北山朝氣澹高秋欲往愁霖獨少留散策綠崗初見日

興隨雲盡復中休

詩意言欲往北山值雨作中止但詩已及散策緣岡又云初見日當是行

及半途而

復返耳

### 耿天鵬惠梨次韻奉酬三首

故人家果獨難忘秋實初成便得嘗直使紫花形味勝

豈能終日望咸陽

孔融謂楊脩楊梅此是君家果家果豈謂耿梨耶○蜀都賦紫梨津潤唐

人李遵進梨表紫花開處擅美春林綠蒂懸時回光秋浦○本草紫花梨療心熱唐武帝有此疾百醫不效青城山邢道人以此梨絞汁而進帝疾遂愈後復求之苦元此種○西京雜記曰上林有紫梨芳梨青梨大谷金柯縹蒂紫條榦海青玉等梨



其二

淮圃新陰百畝涼分甘每得助秋嘗張公大谷雖云美

誰肯芑苴出晉陽

郊特牲春禘秋嘗。潘岳閑居賦張公大谷之梨注洛陽有張公居大谷

有夏梨海內惟此一樹據寰宇志并州舊為晉陽有大谷縣故公詩引晉陽選注乃謂在洛陽誤矣

其三

甘滋南北共傳誇栽接還知老圃家誰謂交梨非外獎

因君澆灌已萌芽

陳了翁有接花詩色紅可使紫葉單可使重用智固巧矣天時可易歟我欲

春採蘭我欲冬賞桃汝不能栽接汝巧亦徒勞。五代時有內園栽接使故老云李衛公有平泉花木記百餘

種爾今洛陽良工巧匠批紅判白接以他木與造化爭  
妙故歲歲益奇且廣桃李梅杏蓮菊各數千種牡丹芍  
藥至數百種而又遠方異卉如紫蘭茉莉瓊花山茶之  
儔號為難植獨植之洛陽輒與其土產无異故洛園圃  
花木有至千種者。謝靈運擬鄴中集詩沮漳自可美  
客心非外獎李善注曰獎勸也李周翰曰言中心思歸  
非外所能留。王平甫詩乘閑賙物情自得忘外獎。○  
真誥第一卷王夫人語許長史玉醴金漿交梨火棗此  
則騰飛之藥不比於金丹也仁侯體未真正穢念盈懷  
恐此物輩不肯來也苟真誠未一道亦无私也又言火  
棗交梨之樹已生君心但心中獨有荆棘相雜是以二  
樹不見不審可剪荆棘出此樹單生其實幾好也又云  
玉醴金漿交生神梨方丈火棗玄光靈芝我  
當與山中許道士不以與人間許長史也

## 北山有懷

香火因緣寄北山主恩投老更人間傷心躑躅岡頭路

明日春風自往還

香火謂領真祠○此詩必有謂莫知當時事或賓客去數獨遊之落寞也

不然則躑躅崗指臨川蓋上云寄北山晚念松楸缺於省掃獨有春風自來去耳

### 定林院

窮谷經春不識花新松老柏自欹斜慙慙更上山頭望

白下城中有幾家

蘇峻我寧山頭望廷尉

### 封舒國公三絕

陳迹難尋天柱源疏封投老誤明恩國人欲識公歸處

楊柳蕭蕭白下門

楊龜山說王介甫先封舒後封荆詩云戎狄是膺荆舒是戢識者謂宰相

不學之過。漢武紀登瀛天柱山瀞縣名屬廬江即今舒州也。介甫嘗通判舒州故云陳迹舒州懷寧縣西北二十里潛山其山有三峯一天柱山一潛山一皖山。公熙寧十年以南郊恩封舒國公集有謝表云唯茲邦土之名乃昔宦遊之壤久陶聖化非復魯僖之所懲積習仁風乃嘗朱邑之見愛元豐三年九月又自舒改荆

其二

桐鄉山遠復川長紫翠連城碧滿隍今日桐鄉誰愛我

當時我自愛桐鄉

桐鄉屬桐城縣。公又自有二十字此只添今日當時四字言吾无德與

桐鄉之人人豈知愛我我自愛之耳何其藹然君子之言也。選詩潘安仁詩云齊都無遺聲桐鄉有餘謠

其三

開國桐鄉已白頭國人誰復記前游故情但有吳塘水

轉入東江向我流

裏字志舒州有吳塘陂在縣西二十里皖水所注曹公遣朱光守廬江屯

皖大開農田呂蒙曰皖地肥美若一收熟彼衆必增如是數歲操態見矣宜早除之於是權親征皖破之此吳塘即朱光所開也

北陂杏花

一陂春水遶花身身影妖嬈各占春縱被春風吹作雪

絕勝南陌碾成塵

古詩悲妾似花身。韓渥詩岸上花根總倒垂水中花影幾千枝千枝一

影寒山裏野水  
野花清露時

### 五更

青燈隔幔映悠悠  
小雨含煙凝不流  
祇聽蛩聲已無夢

五更桐葉強知秋

雨為煙閣故不流此言細雨耳。唐人詩窗中海月早知秋。又南史高

那肱漢兒无  
事強知星宿

與薛肇明奕碁賭梅詩輸一首

肇明薛昂也杭州人沒於紹興

四年臣僚嘗言其以腐儒之學黨附蔡京致  
位近弼當政和宣和間朝廷大事一無建明

專務諂諛同惡相濟觀此詩則昂  
早從荆公後為京所引有自來矣

華髮尋春喜見梅一株臨路雪培堆鳳城南陌他年憶

杳杳難隨驛使來

杜詩復愁不滿鳳凰城歐公詩鳳城  
綠樹知多少○吳曾漫錄荆公在鍾

山下棋時薛門下與馬賸梅花詩一首薛敗而不善詩  
荆公為代作今集中所謂薛秀才者是也薛既官達出  
知金陵或者嘲以詩曰好笑當年薛乞兒荆公坐上賸  
梅詩而今又向江東去奉勸先生莫下棋薛書名似丐  
字故人有乞兒之論向來多謂此詩韓子蒼作非也○  
昂賦蔡京君臣慶會詩逢時可謂真千載拜賜應須更  
萬回時謂之薛萬回據此則昂不能詩  
可知矣荆公代作梅詩亦所以誨之也

又代薛秀才一首

野水荒山寂寞濱攀條弄色最關春故將明艷凌霜雪

未怕青腰玉女嗔

司馬相如傳排闥闥而入帝宮兮載玉女而與之歸注玉女青腰乘弋等也○

章子厚嘉祐中令商洛日賦梅詩極佳因附此詩云紡車山下雪成堆黃澗溪邊始見梅山吏不知春色早却

言花是去年開

### 溝上梅花

亭臺背暖臨溝處脈脈含芳映雪時莫恨夜來無伴侶

月明還見影參差

背當作脩夏侯嬰傳漢王急馬罷虜在後常蹠兩兒棄之嬰常取載行面

雍樹馳師古注云面脩也此言梅臨水則稍側向與暖相背項王傳馬童面之注面背也○言影為伴也○韓



詩我來無伴侶  
把酒對南山

紅梅

江南歲盡多風雪也有紅梅漏洩春顏色凌寒終慘淡

不應搖落始愁人

杜詩漏洩春光有柳條。言方冬凝凜紅梅雖挾春意終覺慘淡不必時

當搖落而後愁

耿天隲許浪山千葉梅見寄

聞有名花即漫栽慙準擬故人來故人歲歲相逢晚

知復同看幾度開

白詩準擬人看似舊時

與天鴈宿清涼寺

故人不惜馬虺隤許我年年一度來野館蕭條無準擬

與君對植浪山梅

對一作封。按建康志寺在石頭城去城一里偽吳順義中建號興教寺

南唐昇元初改為石城清涼寺至宋朝太平興國五年改今額。卷耳陟彼崔嵬我馬虺隤注病也。浪山梅見公他詩序浪山地名也出梅花

池上看金沙花數枝過酴醾架盛開二首

午陰寬占一方苔映水前年坐看栽紅藥似嫌塵染汙

青條飛上別枝開

劉禹錫詩一方明月可中庭。趙安民詩槐夏午陰清。李義山詩莫許

韓憑為蛺蝶等  
閑飛上別枝花

其二

酴醾一架最先來  
夾水金沙次第栽  
濃綠扶疎雲對起

醉紅撩亂雪爭開

紅亦可言雪謂花可以比雪之輕盈  
非專指其色也道家亦有絳雪○韓

退之城南聯句詩醉結紅  
滿杏○柳詩歌紅醉濃露

北山

北山輸綠漲橫陂  
直塹回塘灩灩時  
細數落花因坐久

緩尋芳草得歸遲

樂府崑崙子坐久落花多○離騷經  
惜吾不及古人兮吾誰與玩此芳草

○古詩為惜綠羅裙步步憐芳草。三山老人語錄云  
歐公靜愛竹時來野寺獨尋春偶過溪橋與荆公細數  
落花詩聯皆狀閒適而王為工。○堯夫  
詩因隨芳草行來遠為愛清波歸去遲

### 詠菊二絕

補落迦山傳得種閭浮檀水染成花光明一室真金色

復似毗耶長者家

補陀落迦山觀音化現處釋迦氏譜云閭浮檀樹也有二說或云此州南邊

有又云无熱池邊此云上勝緣樹沂水水下有金因為名提檀此云州也亦因樹為名或因果立稱金中上也  
○華嚴經譬如日出於閭浮提光照一切須彌山然後  
普照一切大地。○毗耶長者維摩詰也。○涅槃經云譬  
如日出閭浮提光明破暗悉无餘

其二

院落秋深菊數叢綠花錯莫兩三蜂蜜房歲晚能多少

酒盞重陽自不供

唐詩餘花留暮蝶幽草戀殘陽亦公意也○蜀都賦蜜房郁毓被其阜

楊柳

楊柳杏花何處好石梁茅屋雨初乾綠垂靜路要深駐

紅寫清陂得細看

李義山柳下暗記詩更將黃映白擬作杏花媒亦謂楊柳杏花爾又杜牧

詩深感杏花相映紅○鄭谷詩杏花楊柳年年好不忍回看舊寫真綠垂說柳紅寫說杏

北山道入栽松

陽坡風暖雪初融，遶谷遙看積翠重。磊砢拂天吾所愛，

他生來此聽樓鐘。

杜詩陽坡可種瓜。磊砢見送李宣叔倅漳州注。李義山詩若信貝多

真實語三生同聽一聲鐘。此詩題僧壁。

### 山櫻

山櫻抱石映松枝，比並餘花發最遲。賴有春風嫌寂寞，

吹香渡水報人知。

張喬詩松寒蔭井枝。沈休文詩野棠開未落。山櫻發欲然。

### 償薛肇明秀才榿木

濯錦江邊木有榿，小園封植喜華滋。地偏或免桓魋伐，

歲晚聊同庾信移

杜詩飽聞樵木三年大與致溪南十畝陰。莊子山木篇吾再速於魯削

迹於衛伐樹於宋。史記孔子去曹過宋與弟子習禮大樹下宋司馬桓魋欲殺孔子拔其樹孔子去。交廣人物志云蘇頌年五歲裴談過其父試誦庾信枯樹賦題避談字易其韻曰昔年移柳依依漢陰今看搖落悽慘江潯樹猶如此人何以任本文云昔年種柳依依漢南今看搖落悽慘江潭樹猶如此人何以堪疑庾信移用此事庾信移或指信自江南過北方也。唐詩傷心庾開府老作北朝臣

馬死

恩寬一老寄松筠晏卧東窗度幾春天廡賜駒龍化去

謾容小蹇載閒身

公熙寧七年六月罷相知江寧時五十六歲至六十五歲猶食觀使祿居

鍾山六十六歲始薨則閒居之日幾十年。公嘗有謝  
鞍馬表云引內廐之名駒傳之錯綠此言向所賜已亡  
矣。○柳集明皇得靈昌部異馬居帝閑幾二十年帝西  
幸馬至咸陽西入渭水化為龍泳去不知所終。○小蹇  
驢也。○冷齋夜話云公食宮使居蔣山時時往來白下  
門西菴小堂法雲止以一點挾蹇驢門人乘間諷筍輿  
宜老者公曰古之王公至不道未嘗以人代畜又張浮  
休南遷錄癸丑往蔣山候王荆公食罷約同上蔣山堅  
欲居後即鞭馬先之可里餘回見荆公跨蹇驢不施繖  
扇行赤日中遂策馬疾馳趣寺荆公後別而之他至暮  
竟不至不知所之。又東坡和詩有騎驢渺渺入荒陂但  
見先生未病時之句而建康續志亦云公晚年定字說  
出入百家語高而意深嘗自謂平生精力盡於此書好  
事者從之請問口講手畫終席幾至千餘字金華俞紫  
琳清老嘗冠禿巾掃塔服范字說述公之驢往來法雲  
定林過八功德水逍遙存亭之上龍眠李伯時曰此勝



事不可以無傳也遂畫以為圖觀此則小塞載閑身殆非空言矣

出郊

川原一片綠交加深樹冥冥不見花風日有情無處著

初回光景到桑麻

杜詩種竹交加翠

懷府園

槐陰過雨盡新秋盆底看雲映水流忽憶小金山下路

綠蘋稀處看游鯈

言雲影行於水中可玩。秋興賦玩游鯈之淑淑。小金山在江寧之府

園蘇魏公頌有金陵府舍重建金山亭詩見本集中

江寧夾口二首

鍾山咫尺被雲埋，何況南樓與北齋。昨夜月明江上夢，

逆隨潮水到秦淮。

南樓北齋未詳何在。北齋豈即高齋乎。秦淮附城，與江通，故言逆隨潮。

水

其二

日西江口落征帆，却望城樓淚滿衫。從此夢歸無別路，

破頭山北北山南。

傳燈錄：道信大師，姓司馬氏，世居河內。後徙于蘄州之廣濟縣。隋大業十

三年，領徒衆抵吉州。唐武德中，甲申，返蘄。春，住破頭山學侶雲集。一日告衆曰：吾武德中游廬山，登絕頂，望破頭。

山見紫雲如蓋下有白氣橫分六道地理書  
不載蘄春有破頭山以此知遺落者多矣

蔣山手種松

青青石上歲寒枝一寸巖前手自移聞道近來高數尺

此身蒲柳故應衰

樂天小松未盈尺心愛手自移。杜詩欲存老益千年意為覓雲根數寸

栽。晉書顧悅之蒲柳之姿望秋先零

中年

中年許國邯鄲夢晚歲還家壙垆游南望青山知不遠

五湖春草入扁舟

邯鄲夢見遊土山及示寶覺注。壙垆見次韻朱昌叔注。杜詩不意青

草湖扁舟入吾  
手入一作落

### 寄四姪旒二首

數篇持往助歡咍想見封題手自開春草已生無好句

阿連空復夢中來

旒平父子行第四東坡哭平父詩有云氣吞餘子無全目詩到諸郎尚絕

倫旒早能文故公念之如此○宋書謝靈運嘗在永嘉西堂思詩竟日不就忽夢見惠連即得池塘生春草常曰此語有神助非吾語也

阿連即惠連靈運族弟

### 其二

一日東崗望百回

一作上幾回

迢迢雲水隔蘇臺遙知別後

多新句黃犬歸時總寄來

多新句一作詩無數。白詩  
淚眼凌寒凍不流每經高處

即回頭遙知別後西樓上應凭欄干獨自愁。述異記  
陸機少好獵在吳豪客獻快犬名曰黃耳能解人語機  
羈旅京師嘗作家書盛以竹筒繫之犬頸犬出驛路走  
向吳仍取回書馳還計入行程五旬犬往還繞半月

寄吳氏女子

吳充子安  
持之妻

夢想平生在一丘暮年方得此優游江湖相望真魚樂

怪汝長謡特地愁

莊子魚相  
忘於江湖

寄蔡天啓

杖藜綠塹復穿橋誰與高秋共寂寥佇立東岡一搔首

冷雲衰草暮迢迢

劉賓客詩人道逢秋轉寂寥我言秋  
日勝春朝晴空一鷲排雲上便引詩

情到碧霄兩詩相似亦相角也余  
友楊方子直嘗哦公此詩以為奇

### 絕句呈陳和叔二首

陳繹也時  
為江寧守

數椽牢落長莓苔一徑牆陰斲雪開  
王吉囊衣新徙舍

杖藜從此為公

一作君

來

牢落長一作生草覆○王吉好  
車馬衣服其自奉極鮮明而士

金銀錦繡之物及遷徙去處  
所載不過囊衣不畜餘財

### 其二

數椽庫屋生茨草三畝荒園種晚蔬  
永日終無一樽酒

樽一可能留得故人車

公時已為宰相其清約如此  
詩牆有茨注茨蒺藜也

招葉致遠

白下長干一水間竹雲新筍已斑斑明朝若有扁舟興

日落潮生尚可還

建康實錄云江東謂兩山之間曰干  
州南五里有山岡其間民庶雜居有

大長干小長干。皇甫冉落日  
臨川問音信寒潮惟帶夕陽還

招楊德逢

山林投老倦紛紛獨卧看雲却憶君雲尚無心能出岫

不應君更懶於雲

雲無心而出岫畧增  
換陶淵明語尤佳

和叔招不往

按荆公舊宅在今報寧寺前臨溝港故有門前秋水之句

門前秋水可揚舠有意西尋白下亭只欲往來相邂逅

却嫌招喚苦丁寧

詩邂逅相遇。公意欲省煩耳足見其清曠

和叔雪中見遇

捐書去寄老山林無復追緣往事心忽值故人乘雪興

玉堂前話得重尋

真迹與南枝歲晚亦花開同一處贈和叔當合於此。歐公語追思玉堂

如在天上。唐詩各當思寄重去寄者去所寄之官。和叔亦嘗同在翰苑

陳俞二君忽然不見



忽去飄然遊冶盤共疑枝策在梁

一作雲

端禪心暫起何

妨寂道骨雖清不畏寒

治盤猶狹邪之類太白詩君馬黃我馬白馬色雖不同人心本

无隔共作遊冶盤雙行洛陽陌○枝策見上注○暫起必謂治盤也

### 與耿天隲會話

邯鄲四十餘年夢相對黃梁欲熟時萬事盡如空鳥迹

怪君強記尚能追

華嚴十地法門如來大仙道微妙難可知如空中鳥迹難說難可示如是

十地義心意不能了○樂天觀幻詩更無尋覓處鳥迹印空中○柳詩心境本同如鳥飛无遺迹

### 王荊公詩注卷四十二